

venerabilis domini Federici comitis de Porcileis Aquilegensi sede vacante vicedomini generalis patrie Foro-Julii, ac dominorum Consilii, Parlamenti, Prelatorum, Nobilium, Communitatum et Capituli ipsius patrie nomine et vice prefatorum, habentes ad infrascripta plena et sufficientia mandata ut apparet ex forma duorum publicorum instrumentorum scriptorum, unius videlicet manu Antonii quondam Nicolai olim ser Guarnerini de Soffumbergo publici imperiali auctoritate notarii et judicis ordinarii et patriarchalis curie spiritualis Aquilegensis officialis et scribe sub anno dominice nativitatís millesimo trecentesimo octuagesimo primo, indictione quarta, die nona mensis Aprilis, et alterius manu Joannis quondam Lancelloti de Cucanea Aquilegensis diocesis clerici imperiali auctoritate notarii et notarii capituli Aquilegensis sub anno nativitatís domini millesimo trecentesimo octuagesimo primo, indictione quarta die XI mensis Januarii, sigillo dicti Aquilegensis capituli sigillati in pendentí, quorum tenores inferius sunt descripti ex una alia parte. Et honorabiles et egregii viri domini Zacharias Contareno, Johannes Gradonico et Michaël Mauroceno procuratores ecclesie sancti Marci cives Veneciarum, syndici, procuratores, actores, ambaxiatores et nuncii speciales illustris et magnifici domini domini Andree Contareno dei gratia ducis Veneciarum etc. et Consiliorum ejus nomine prefatorum illustris et magnifici domini ducis, Consiliorum et Communis Veneciarum habentes ad infrascripta plenum et sufficiens mandatum, ut patet publico instrumento scripto manu Leonardi de Anzolellis de Veneciis notarii sub anno domini millesimo trecentesimo octuagesimo primo, indictione quarta, die quinto mensis Aprilis, cujus tenor inferius est insertus, dictis nominibus ex una altera parte. Ad infrascriptam pacem, transactionem, compositionem, conventiones et pacta solempnibus stipulationibus hinc inde mutuo et vicissim interpositas, concedente domino perpetuo duraturas pervenerunt et pervenisse dictis nominibus et quolibet dictorum nominum singula singulis referendo confitentur in forma infrascripta.